

BOSNA I HERCEGOVINA
Federacija Bosne i Hercegovine
TUZLANSKI KANTON
Kantonalna uprava civilne zaštite

Broj: 18/01-44-031218-5/17
Tuzla, 13.03.2017. godine

INFORMACIJA
o održanoj Komandno-štabnoj vježbi sa 77. brigadom Vojske Velike Britanije
“BOLD CHINTHE 17“

Na osnovu Zaključka Predsjedništva BiH broj: 01-50-1-4354-33/16 od 03.11.2016. godine, Zahtjeva iz Ministarstva sigurnosti BiH broj: 09-03-1-5571/16-6 od 16.12.2016. godine i Odluke Vlade TK broj :02/1-44-31218/16 od 13.01.2017. godine na području Tuzlanskog kantona je održana Komandno-štabna vježba sa 77. brigadom Vojske Velike Britanije.

Scenarij vježbe je bio avionska nesreća putnika aviona jedne engleske kompanije na letu Atena-Hamburg, koji se srušio na mirirane obronke planine Vis na općini Kalesija.

Vježba je organizirana s namjerom provođenja procedura odgovora sistema zaštite i spašavanja i upotreba snaga i sredstava zaštite i spašavanja na mjestu nesreće.

Vježba je održana 27. i 28. februara 2017. godine. Nositelj vježbe je bila Kantonalna uprava civilne zaštite Tuzlanskog kantona u kojima prostorijama u Tuzli je provedena procedura odgovora sistema zaštite i spašavanja.

Vježba i demonstracija koordinacije zajedničkog djelovanja Kantonalnog štaba civilne zaštite, Federalne uprave civilne zaštite, Republičke uprave civilne zaštite, Ministarstva sigurnosti BiH, Ministarstva odbrane BiH, Federalne direkcije za civilno zrakoplovstvo, Agencije za civilno zrakoplovstvo BiH, Međunarodnog aerodroma Tuzla i 77. brigade Vojske Velike Britanije, realizirana je na tri lokacije.

Pored prostorija Kantonalne uprave civilne zaštite iz kojih je Kantonalni štab civilne zaštite rukovodio akcijama zaštite i spašavanja i gdje su bili prisutni predstavnici svih navedenih subjekata, vježba se odvijala na još dva mjesta.

Drugo mjesto provođenja vježbe je bila Vojna baza u Dubravama gdje je bila maketa mjesta nesreće srušenog aviona koju je uradila 77. brigada Vojske Velike Britanije. Na tom mjestu su pored pripadnika navedene brigade bili predstavnici OS BiH, entitetskih uprava civilne zaštite i Ministarstva sigurnosti.

Treće mjesto provođenja vježbe bilo je Ministarstvo sigurnosti BiH, odnosno Operativno-komunikacijski centar -112.

Operativni dio vježbe proveden je prvog dana prema Hodogramu aktivnosti po scenariju za komandno-štabnu vježbu sa 77. brigadom Vojske Velike Britanije, koji je sastavni dio ove Informacije.

Drugog dana 28.02. 2017. godine izvršena je analiza provedenog odgovora na avionsku nesreću i link veza učesnika vježbe na tri navedene lokacije.

Prema mišljenju svih učesnika vježba je ocijenjena najvišom ocjenom.

U simuliranoj vježbi proigrane su procedure odgovora predviđene propisima civilnog zrakoplovstva i propisima kojima se uređuje sistem zaštite i spašavanja u Bosni i Hercegovini što omogućava da se u slučaju da se dogodi avionska nesreća pruži kvalitetan odgovor svih subjekata i sistema zaštite i spašavanja.

Uočena je i potreba ažuriranja i dogradnje postojećih propisa civilnog zrakoplovstva u odnosu na postojeći sistem zaštite i spašavanja.

Istaknuta je i potreba da se sa nau enim lekcijama iz izvršene analize provedene vježbe, upoznaju najodgovornija lica iz civilnog zrakoplovstva i civilne zaštite od lokalne do državne razine.

Komandno-štabna vježba sa 77. brigadom Vojske Velike Britanije simuliranog odgovora sistema zaštite i spašavanja Bosne i Hercegovine na veliku avionsku nesre u, provedena je u obostranom interesu i garant je za provo enje kvalitetnog odgovora doma ih i me unarodnih snaga zaštite i spašavanja.

Prilog:

-Scenarij Komandno-štabne vježbe sa Vojskom Velike Britanije i

-Hodogram aktivnosti po scenariju za Komandno-štabnu vježbu sa 77.brigadom Vojske Velike Britanije.

DIREKTOR

Mr. sc. Zdenko Tadi